

اتوار 6 ستمبر، 2026

مضمون۔ انسان

سنہری متن: متی 26 باب 41 آیت

”جاگوتے دعا کرو تاں جو آزمائش وچ نہ پوو۔“

جوابی پڑھائی: زبور 8 باب 1، 3 توں 6 آیتاں

- 1۔ اے خداوند ساڈے رب! تیرا ناں ساری دھرتی اُتے کیسا بزرگ اے! تُو اپنا جلال اسمان اُتے قائم کیتا۔
- 3۔ جد میں تیرے اسمان اُتے جیہڑا تیری دستکاری اے تے چن تے تاریاں اُتے جنماں نوں توں مقرر کیتا اے غور کرداواں۔
- 4۔ تے فیر انسان کیہ اے پئی تُو اوہنوں یاد رکھیں تے آدم زاد کیہ اے پئی تُو اوہدی خبر لوں؟
- 5۔ کیوں جے تُو اوہنوں رب توں کجھ ای گھٹ بنایا اے تے جلال تے شوکت نال اوہنوں تاجدار کردا ایں۔
- 6۔ تُو اوہنوں اپنی دستکاری اُتے تسلط بخشیا اے۔ تُو سب کجھ اوہدے پیراں میٹھاں کردتا اے۔

درسی وعظ

بائبل وچوں

1- یعقوب 1 باب 2 توں 4، 8، 12 توں 14 آیتاں

- 2- اے میرے بھراؤ! جدوں تسی وکھریاں وکھریاں آزمائشاں وچ پوو۔
- 3- تے ایہنوں ایہہ جان کے کمال خوشی سمجھو پئی تہاڈے ایمان دی آزمائش صبر پیدا کر دی اے۔
- 4- تے صبر نوں اپنا پورا کم کرن دیو و تاجوں تسی پورے کامل ہو جاؤ و تے تہاڈے وچ کسے گل دا گھاٹانہ رہوے۔
- 8- اوہ بندہ دوغلا اے تے اپنیاں ساریاں گلاں وچ بے قیام اے۔
- 12- دھن اے اوہ بندہ جیہڑا آزمائش دی برداشت کر دالے کیوں جے جدوں مقبول ٹھہریا تے حیاتی دا اوہ حاصل کرے گا جید ا خداوند نے اپنے محبت کرن والیاں نال وعدہ کیتا اے۔
- 13- جد کوئی آزمایا جاوے تے ایہہ نہ آکھے پئی میری آزمائش رب ولوں ہندی اے کیوں جے نہ تے رب بدی نال آزمایا جاسکد اے تے نہ اوہ کسے نوں آزماؤند اے۔
- 14- ہاں ہر بندہ اپنیاں ہی خواہشاں وچ کھیچا جا کے تے پھس کے آزمایا جاند اے۔

2- 1 کرنتھیوں 10 باب 13 آیت

13- تسی کسے اینج دی آزمائش وچ نئیں پئے جیہڑی انسان دی برداشت توں باہر ہووے تے رب سچاے۔ اوہ تہانوں تہاڈی طاقت توں بوہتا آزمائش وچ نئیں پین دیوے گا بلکہ آزمائش دے نال نکلن دی راہ وی پیدا کرے گا تاں جوں تسی برداشت کر سکو۔

3- پیدائش 39 باب 1 توں 12 آیتاں

1- تے یوسف نوں مصر وچ لیائے تے فوطیفر مصری نے جیہڑا فرعون دا اک حاکم تے جلاد داں داسر دار سی اوہنوں اسمعیلیاں دے ہتھ جیہڑے اوہنوں او تھے لے گئے سی خرید لیا۔

2- تے خداوند یوسف دے نال سی تے اوہ اقبال مند ہوئی تے اپنے مصری آقادرے کول رہند اسی۔

3- تے اوہ دے آقادرے ویکھیا پئی خداوند اوہ دے نال اے تے جیہڑے کم نوں اوہ ہتھ لاند اے خداوند اوہ دے وچ اوہنوں اقبال مند کردا اے۔

4- ایس لئی یوسف اوہ دی نظر وچ مقبول ہوئی تے اوہ ای اوہ دی سیوا کرد اسی تے اوہنے اوہنوں اپنے گھر دا مختار بنا کے سب کچھ اوہ دے حوالے کردتا۔

5- تے جد اوہنے اوہنوں گھر داتے اپنے سارے مال دا مختار بنایا تے خداوند نے اوس مصری دے گھر وچ یوسف دی خاطر برکت دتی تے اوہ دیاں ساریاں شیواں اُتے جیہڑیاں گھر وچ تے کھیت وچ سی خداوند دی برکت ہوون لگ پئی۔

6- تے اوہنے اپنا سب کچھ یوسف دے ہتھ وچ کردتا تے سوائے روٹی دے جیہڑی اوہ کھا لیندا اسی اوہنوں اپنی کسے شے دا ہوش نئیں سی تے یوسف سوہناتے من موہناں سی۔

7- ایہناں گلاں توں بعد ایہداں ہوئی پئی اوہ دے آقادی بڈھی دی اکھ یوسف اُتے لگی تے اوہنے اوہنوں آکھیا پئی میرے نال ہم بستر ہو۔

- 8۔ پراوہنے انکار کیتاتے اپنے آقادی بڈھی نوں آکھیا پئی ویکھ میرے آقانون خبر وی نہیں اے پئی ایس گھروچ میرے کول کیکہ اے تے اوہنے اپنا سب کجھ میرے ہتھ وچ کر دتا اے۔
- 9۔ ایس گھروچ میتھوں وڈھا کوئی نہیں تے اوہنے تیرے سوا کوئی شے میتھوں نہیں روکی کیوں جے توں اوہدی بڈھی ایں تے بھلا میں اجیہی بھیسری بدی کیوں کراں تے رب دا وی پاپی بناں؟
- 10۔ تے اوہ کجھ دناں تیکر یوسف دے سر رہی پراوہنے اوہدی گل نہ منی پئی اوہدے نال ہمبستر ہوون لئی اوہدے نال سونوے۔
- 11۔ اک دن ایخ ہو پئی اوہ اپنا کم کرن لئی گھروچ گیتے گھر دے بندیاں وچوں کوئی وی اندر نہیں سی۔
- 12۔ فیروس عورت نے اوہدا پیرا ہن پھڑکے آکھیا میرے نال ہم بستر ہو۔ اوہ اپنا پیرا ہن اوہدے ہتھ وچ چھڈ کے نس گیا۔

4۔ 1 یوحنا 5 باب 18 توں 21 آیتاں

- 18۔ اسی جان دے آں پئی جیہڑا رب توں جمیا اے اوہ پاپ نہیں کر دالکھ اوہدی راکھی اوہ کر دالے جیہڑا رب توں جمیا اے تے اوہ شریر اوہنوں چھو وی نہیں سکدا۔
- 19۔ اسی جان دے آں پئی اسی رب توں آں تے سارا جگ اوس شریر دے قبضے وچ پیا ہو پیا اے۔
- 20۔ تے ایہہ وی جان دے آں پئی رب دا پتر آگیا اے تے اوہنے ساہنوں سمجھ دتی اے تاں جو اوہنوں جیہڑا اصلی اے جانے تے اسی اوہدے وچ جیہڑا اصلی اے یعنی اوہدے پتر خداوند یسوع مسیح وچ آں۔ اصلی رب تے ہمیشہ دی حیاتی ایہہ اے۔
- 21۔ اے بالو! اپنے آپ نوں بتاں توں بچائے رکھو۔

5۔ متی 3 باب 16، 17 آیتاں

- 16۔ تے یسوع بپتسمہ لے کے جھپیتی نال پانی دے کولوں اُتے آیاتے ویکھو اسمان اوہدے لئی کھل گیا تے اوہنے رب دے روح نوں کبوتر وانگر اتر دیاں تے اپنے اُتے آؤندیاں ویکھیا۔
- 17۔ تے ویکھو اسمان توں ایہہ آواز آئی پئی ایہہ میرا پیارا پتر اے جیدے توں میں خوش آں۔

6۔ متی 4 باب 1 توں 11 آیتاں

- 1۔ اوس ویلے روح یسوع نوں جنگل وچ لے گیا تاں جو ابلیس توں آزما یا جاوے۔
- 2۔ تے چالی دن تے چالی رات فاقہ کر کے آخر کار اوہنوں کچھ لگی۔
- 3۔ تے آزمائون والے نے کول آکے اوہنوں آکھیا جے توں رب داپتر ایں تے آکھ پئی ایہہ پتھر روٹیاں بن جان۔
- 4۔ اوہنے جواب وچ آکھیا پئی بندہ صرف روٹی نال ای جیوندہ نہ رہوے گا بلکہ ہر اوس گل نال جیہڑی رب دے منہ توں نکلی اے۔
- 5۔ فیر ابلیس اوہنوں پاک شہر وچ لے گیا تے ہیکل دے بنیرے اُتے کھلار کے اوہنوں آکھیا
- 6۔ جے توں رب داپتر ایں تے اپنے آپ نوں میٹھاں سٹ دے کیوں جے لکھیا اے پئی اوہ تیرے بارے اپنے فرشتیاں نوں حکم دیوے گاتے اوہ تینوں ہتھاں اُتے چک لین گے اتنجنہ ہووے پئی تیرے پیراں نوں پتھر نال سٹ لگے۔
- 7۔ یسوع نے اوہنوں آکھیا ایہہ وی لکھیا اے پئی توں خداوند اپنے رب دی آزمائش نہ کر۔

8۔ فیرا بلیس اوہنوں اک بوہت اُچے پہاڑ اُتے لے گیا تے جگ دی ساری سلطنت تے ساری شان و شوکت اوہنوں وکھائی۔

9۔ تے اوہنوں آکھیا جے تُوں جھٹک کے مینوں سجدہ کریں تے ایہہ سب کجھ تینوں دے دیواں گا۔

10۔ یسوع نے اوہنوں آکھیا اے شیطان دور ہو جا کیوں جے لکھیا اے پئی تُوں خداوند اپنے رب نوں سجدہ کرتے صرف اوہدی ای عبادت کر۔

11۔ فیرا بلیس اوہدے کولوں ٹر گیا تے ویکھو فرشتے آکے اوہدی سیوا کرن لگے۔

7۔ متی 5 باب 1، 2 آیتاں

1۔ اوہ اوس جتھے نوں ویکھ کے پہاڑ اُتے چڑھ گیا تے جد بیٹھ گیا تے اوہدے چیلے اوہدے کول آئے۔

2۔ تے اوہ اپنی زبان کھول کے اوہناں نوں اینج تعلیم دین لگیا۔

8۔ متی 6 باب 9 (توں؛)، 13 آیتاں

9۔ ایس لئی تسی اینج دعا کریا کرو پئی اے ساڈے باپ تُوں جیہڑا آسمان اُتے ایں۔ تیراناں پاک منیا جاوے۔

13۔ تے ساہنوں آزمائش وچ نہ لیا بلکہ بریائی تُوں بچا۔ کیوں جے بادشاہی تے قدرت تے جلال ہمیشہ تیرے ای نہیں۔ آمین۔

سائنس تے صحت

1- 24-23:470

انسان رب دی ہستی دا اظہار اے

2- 31-28:475 (دی)

اصلی انسان پاکیزگی توں وکھرائیں ہو سکدا تے نہ ای رب، جیدے توں انسان نشوونما پاؤندا اے، پاپ دے خلاف قوت یا آزادی پیدا کر سکدا اے۔

3- 32-27:387

مسیحت دی تاریخ اوس اسمانی پیو، قاد مطلق سیان، دے دتے ہوئے اثر اں تے حفاظت کرن والی طاقت دے شاندار ثبوت اں نوں سامنے لیاؤندی اے جیہڑا انسان نوں ایمان تے سمجھ دیندا اے جیدے نال اوہ اپنے آپ نوں بچا سکدا اے نہ صرف آزمائش توں بلکہ جسمانی دکھاں تووی۔

4- 31-17:192

اخلاقی تے روحانی شاید روح نال تعلق رکھدے نیں، جیہڑا ”ہوانوں مٹھی“ وچ اکٹھا کر لیندا اے؛ تے ایہہ تعلیم سائنس تے ہم آہنگی دے نال اک ہندی اے۔ سائنس وچ، رب دے خلاف تسی کوئی طاقت نیں رکھ سکدے، تے جسمانی احساساں نوں اوہناں دی جھوٹی گواہی توں پچھاں ہٹنا پیندا اے۔ چنگیائی لئی تہاڈی پہنچ دا انحصار ایس وزن اُتے اے جیہڑا تسی ٹھیک سکیل اُتے پاندے او۔ جیہڑی نیکی تسی کردے او تے ظاہری جسم تہانوں بس حاصل ہوون دے قابل طاقت دیندا اے۔ بریائی کوئی طاقت نیں اے۔ ایہہ طاقت داندق اے جیہڑا جھیتسی نال ای اپنی کمزوری نوں دھوکہ دیندا اے تے فیر کدی نہ اٹھن لئی بیٹھاں ڈگ جاندا اے۔

الٰہی مابعد الطبیعات دے فہم وچ اسی اپنے مالک دے نمونے مگر ٹردیاں ہوئے پیار تے سچائی دے پیراں اُتے ٹردے آں۔ مسیحیت اصلی شفا دی نیوں اے۔ بے غرض پیار دے معاملے وچ انسان دی سوچ جو کجھ وی اپناؤندی اے اوہ الٰہی قوت نوں سدھا حاصل کر لیندی اے۔

5- 170:8-28 (توں چو تھی)

انسان دے بارے تفصیل خالصتاً بدنی دے طور تے، یامادی تے روحانی دونوں دے طور تے، پر کسی وی صورت وچ اوہدی بدنی بناوٹ اُتے انحصار کر دیاں ہوئے، اک اجیہا پنڈورا باکس اے، جیدے وچوں ساریاں بیماریاں، خاص کر کے پریشانی، نکل چکیاں نیں۔ مادہ جیہڑا آپ اپنے ہتھاں وچ اپنی طاقت رکھدا اے تے اک خالق ہوون داد عویٰ کردا اے، اوہ اک اجیہا افسانہ اے جیدے وچ اجیہے معاشرے ولوں غیر قومیت تے شہوت نوں بوہت شہہ ملدی اے جیدے وچ انسانیت اپنی اخلاقی بیماری دا شکار ہو جاندا اے۔

ہادیت دے روحانی مخالف دی سیان دے راہیں، ایہتھے تیکر پئی مسیح، سچائی دے راہیں انسان جنت دے بوہیاں نوں
الہی سائنس دیاں کنجیاں نال دوبارہ کھولے گا جنہاں دے بارے انسان سمجھدا اے پئی اوہ بند ہو گئے نیں، تے اپنے
آپ نوں بے گناہ، نیک، پاک، تے آزاد دیکھے گا۔

6- 24-18:67

جدوں اسی ایہہ یاد کر دے آں پئی روحانی عروج دے پاروں ساڈے خداوند یا مالک نے بیمار نوں شفا دتی، مردے نوں
جیوندہ کیتا تے ایتھوں تیکر پئی ہو اوواں تے لہراں نوں اوہدی تابعداری کرن دا حکم دتا تے ایہہ عام خیال پئی حیوانی
فطرت کسے کردار نوں قوت دے سکدی اے بوہت ای مضحکہ خیز اے۔ فضل تے سچائی دو بے سارے ذریعہاں تے
طریقیاں نالوں بوہتے طاقت ور نیں۔

7- 25-3:234

پاپ تے بیماری اُتے ایہناں دے اظہار توں پہلاں توجہ دینی چاہیدی اے۔ تہانوں چاہیدا اے پئی برے خیالاں نوں
پہلی فرصت وچ قابو کر لو، نئیں تے دوجی واری ایہہ تہانوں قابو کر لین گے۔ یسوع نے واضح کیتا سی پئی منع کیتیاں
شیواں دالالچ کرنا اک اخلاقی حکم نوں توڑن دے برابر سی۔ اوہنے انسانی سیان دے اوس عمل اُتے بوہت زور دتا
جیہڑا حساں لئی غیبی ہووے۔

برے خیال تے ارادے کسے بندے دی اجازت توں بوہتا گے نئیں جاندے تے نہ بوہتا نقصان پہنچاندے نیں۔ بے
فضل تے سچائی مضبوط دفاع بناؤن تے برے خیال، شہوت تے بدخواہی والے مقصد اگے نئیں ودھ سکدے، تے
کھلرن والے داناں وانگراک انسانی ذہن توں دو بے وچ غیر متوقع گھرن نوں نئیں لبھدے رہندے۔

8- 15-3:56

ویاہ دے وعدے نال بے وفائی انسانی نسل وچ معاشرتی لعنت بن گئی اے، ”اوہ و با جیہڑی ہنیرے وچ ٹردی اے۔۔۔ اوہ ہلاکت جیہڑی دوپہر نوں ویران کر دیندی اے۔“ ایہہ حکم پئی ”توں زنانہ کریں“ ایس حکم توں گھٹ لازمی نہیں پئی ”توں خون نہ کریں“۔

پاک دامنی تہذیب تے ترقی دایسمنٹ اے۔ ایہدے بغیر معاشرے وچ مضبوطی نہیں تے ایہدے بغیر کوئی بندہ حیاتی دی سائنس نہیں پاسکدا۔

9- 16-6:407

انسان دی بوہت ہمدردی، خود غرضی، حسد، نفرت تے بدلے ورگے بے رحم مالکاں دے ہتھوں غلامی نوں بس اک مضبوط کوشش نال ای فتح کیتا جاندا اے۔ دیر داہر ویلہ ایس کوشش نوں ہور تیز کر دیندا اے۔ جے انسان ایہناں احساساں اُتے فتح نہیں پاؤندا، تے اوہ خوشی، صحت تے مردانگی نوں کچل دیندے نیں۔ ایہتھے انسانی سیان دی کمزوری نوں طاقت دیندیاں ہوئے، یعنی اوہ طاقت جیہڑی لافانی تے قادر مطلق سیان توں ملدی اے، تے انسانیت نوں پاک ترین تانہنگاں وچ، ایہتھے تیکر پئی روحانی طاقت تے انسان لئی خیر سگالی وچ وی، اپنے آپ توں اوچا درجہ دیندیاں ہوئے کر سچن سائنس خود مختار اکسیر اعظم اے۔

10- 28-17:404

معتدل اصلاح، جنہوں ساڈی پوری دھرتی اُتے محسوس کیتا گیا اے، مابعد الطبعیاتی شفا دے نتیجے وچ پیدا ہندی اے، جیہڑی ہر اوس رکھ نوں وڈھ کے سٹ دی اے جیہڑا چنگا پھل نئیں لیاؤندا۔ ایہہ احساس پئی پاپ وچ اصل خوشی نئیں اے، کر سچن سائنس دی الہیات دے ساریاں توں اہم نمکتیاں وچوں اک اے۔ پاپ دے ایس نوں تے اصل منظر نوں پاپی دے سامنے لیاؤ، اوہدے اُتے ظاہر کرو پئی پاپ کوئی سکون نئیں دیندا، تے ایہہ علم اوہدی اخلاقی ہمت نوں مضبوط کردا اے تے بریائی اُتے جت حاصل کرن تے چنگیائی نال پیار کرن دی اوہدی قابلیت نوں ودھا دیندا اے۔

بیمار نوں شفا دینا تے پاپی دی اصطلاح کرنا کر سچن سائنس وچ اک ای گل اے۔ دونوں شفاواں لئی اک ای طریقے دی لوڑ ہندی اے تے دونوں سچییائی وچ غیر مُنٹک نئیں۔

11- 23:327

غلط دے نال ملن تے درست دی مشہوری کرن لئی اخلاقی دلیری دی لوڑ اے۔ پر اسی اوس بندے دی اصلاح کیویں کریئے جیدے وچ اخلاقی حوصلے توں بوجھتا جانوراں والا حوصلہ اے، تے جنہوں چنگیائی دابالکل وی خیال نئیں؟ انسانی سیان دے راہیں، مادے نوں لبھن وچ اوہدی غلطی دی فائیت نوں قائل کرن دا مطلب اے شادمانی لبھناں۔ وجہ سب توں بوہتی سرگرم انسانی ذہنی صلاحیت اے۔ ایہنوں جذبیائ نوں دسن دیو تے انسان دی اخلاقی ذمہ داری دے احساس نوں جگاؤن دیو، تے درجیاں دے راہیں اوہ انساناں دی خوشی دے احساس دے عدم وجود تے روحانی احساس دی عظمت تے راحت نوں سکھے گا، جیہڑی مادی یا فانی شیواں نوں چپ کر دیندی اے۔ فیر اوہ نہ صرف نجات یافتہ ہووے گا بلکہ اوہ نجات یافتہ ای اے۔

12- 20-14:495

جدوں بیماری یا پاپ دا بھرم تہانوں آزماؤند اے تے رب تے اوہدے خیال دے نال مضبوطی نال جڑے رہو۔
 اوہدے مزاج توں علاوہ کسے شے نوں تہاڈے خیال وچ قائم ہوون دی اجازت نہ دیو وکسے ڈر یا شک نوں تہاڈے
 ایس واضح تے مطمئن بھروسے اُتے حاوی نہ ہوون دیو پئی حیاتی دی پہچان دی ہم آہنگی، جیویں پئی حیاتی شروع توں
 اے، ایس شے دے کسے وی پیڑوالے احساس یا یقین نوں فنا کر سکدی اے جیہڑا حیاتی وچ ہے ای نیس۔

13- 32-26:371

انسانیت سائنس تے مسیحت دے پاروں ودھے گی۔ دوڑنوں تیز کرن دی لوڑ ایس اصلیت دی پیو اے پئی سیان
 ایہہ کر سکدی اے؛ کیوں جے سیان گند دی بجائے صفائی، کمزوری دی بجائے طاقت، تے بیماری دی بجائے تندرستی
 دیندی اے۔ ایہہ پورے نظام وچ بدلن دے قابل اے، تے ایہنوں ہر ذرے تیکر "بناسکدی اے۔"

14- 15-8:17

تے سہانوں آزمائش وچ نہ پین دے بلکہ بریائی توں بچا؛
 تے رب سہانوں آزمائش وچ نیس پاؤند، بلکہ سہانوں پاپ، بیماری تے موت توں بچاؤند اے۔

کیوں جے بادشاہت، قدرت تے جلال ہمیشہ تیکر تیرے نیں۔

کیوں ہے رب لا محدود، قادر مطلق، پوری حیاتی، سچیائی، پیار، ہر اک اُتے تے ساریاں اُتے حاکم اے۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیائی، حیاتی تے پیاردی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیارنوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں داک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیاردی حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیاردیاں مٹھیاں سچیائیاں دا پرچھانواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیش گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔